



ՀՐԱՄԱՆ № 4256

«09»

03. 2022թ.

**ԵՊՀ ԻՄ-Ի ԿԱՌՈՒՑՎԱԾՔԱՅԻՆ ՍՏՈՐԱԲԱԺԱՆՈՒՄՆԵՐԻ ԱՆՄԻՋԱԿԱՆ
ՂԵԿՎԱԿՐՈՒՄ ԻՐԱԿԱՆԱՑՆԵԼՈՒ ԼԻԱԶՈՐՈՒԹՅՈՒՆՆԵՐ ՍԱՀՄԱՆԵԼՈՒ ՄԱՍԻՆ**

Հիմք ընդունելով «Երևանի պետական համալսարան» հիմնադրամի ռեկտորի 08.02.2022թ. № 25/2 հրամանը և «Երևանի պետական համալսարան» հիմնադրամի Իջևանի մասնաճյուղում (այսուհետ՝ ԵՊՀ ԻՄ) կառուցվածքային ստորաբաժանումների անմիջական ղեկավարում իրականացնելու լիազորություններ սահմանելու նպատակով՝

Հրամայում եմ.

1. Սահմանել, որ ԵՊՀ ԻՄ-ի ներքոնշյալ կառուցվածքային ստորաբաժանումները գործում են ԵՊՀ ԻՄ-ի տնօրենի անմիջական ղեկավարությամբ.

- 1) Հաշվապահություն,
- 2) Ֆակուլտետներ,
- 3) Մասնագիտական կրթության և որակի ապահովման բաժին,
- 4) Անձնակազմի կառավարման և իրավական ապահովման բաժին,
- 5) Տեղեկատվական համակարգերի սպասարկման և զարգացման բաժին,
- 6) Գնումների մատակարարման և պահեստավորման բաժին,
- 7) Տնտեսական գործունեության կազմակերպման և սպասարկման բաժին:

2. ԵՊՀ ԻՄ-ի ներքոնշյալ կառուցվածքային ստորաբաժանումների անմիջական ղեկավարումը հանձնարարել փոխտնօրենին.

- 1) Ուսումնամեթոդական վարչություն,
- 2) Ֆակուլտետներ,
- 3) Համամասնաճյուղային ամբիոն,
- 4) Արտաքին կապերի բաժին,
- 5) Կրթական բարեփոխումների և դասախոսների վերապատրաստման բաժին,
- 6) Գրադարան
- 7) Դասախոսական հյուրատուն (կոտեջ):

3. Լիազորել ԵՊՀ ԻՄ-ի փոխտնօրենին՝ սույն հրամանի 2-րդ կետում նշված կառուցվածքային ստորաբաժանումների բնականոն աշխատանքը կազմակերպելու նպատակով ընդունելու իրավական ակտեր (հրամաններ), այդ թվում ուսանողների նկատմամբ կարգապահական տույժեր կիրառելու, նույն կուրսում թողնելու և ուսումնական գործընթացին առնչվող այլ հարցերի վերաբերյալ, բացառությամբ ԵՊՀ ԻՄ-ից ուսանողներին հեռացնելու և նշված ստորաբաժանումների աշխատողներին աշխատանքի ընդունելու, ազատելու, կարգապահական տույժի ենթարկելու վերաբերյալ անհատական իրավական ակտերի:

4. Սույն հրամանի 1-ին կետի նշված կառուցվածքային ստորաբաժանումների ընթացիկ աշխատանքների նկատմամբ վերահսկողությունը վերապահել ԵՊՀ ԻՄ-ի տնօրենին:

5. Սույն հրամանի մասին տեղեկացնել ԵՊՀ ԻՄ-ի փոխտնօրենին և կառուցվածքային ստորաբաժանումների ղեկավարներին:

